

ВЫНСЬӨДӨМА

Коми Республикаса Веськөдлан котырлөн
2020 во лөддза-номъя төлысь 15 лунся 304 №-а шуөмөн
(15 №-а содтөд)

“Нывсер” республика төдчанлуна канму вөр-ва заказник йылысь **ПОЛОЖЕНИЕ**

1. Панас

“Нывсер” республика төдчанлуна канму вөр-ва заказник (водзö – заказник) артмөдöма “Коми АССР-ын заказникъяс да вөр-ва памятникъяс индöм йылысь” Коми АССР-са Министръяс Сöветлөн 1978 во вöльгым төлысь 30 лунся 484 №-а шуөмөн.

Заказник лöө республика төдчанлуна торйөн ёна видзан вөр-ва мутасөн (водзö – ООПТ) да сылөн эм гидрологическöй (нюрвывса) нырвизь.

ООПТ-лөн тыр ним: “Нывсер” республика төдчанлуна канму вөр-ва заказник.

ООПТ-лөн дженьыд ним: “Нывсер” заказник.

Заказниксö артмөдöма вына кадколаст урчиттөг да заказниклөн мудоръясын меститчысь му участокъяссö вöдитчысьяслысь, кутысьяслысь да кийн кутысьяслысь босьттөг.

Заказник котыртан да сйöс уджөдан юкöнын канмусянь веськөдлöмыс, заказник видзан да сыөн вöдитчан юкöнын канму дöзьöрыс збыльмөдсьö Коми Республикаса Веськөдлан котырөн уполномочитöм Коми Республикаса олöмö пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогъяссö (водзö – заказникөн веськөдлысь орган).

2. Заказник артмөдан медшөр могъяс да сылөн могъяс

2.1. Заказниксö артмөдöма сы могысь, медым видзны увтасінса нюрлысь системасö, кöні олöны шоча паныдасьлысь быдмөгъяс.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын быдмөгъяслысь шоча паныдасьлысь сикасьяслысь быдманінъяссö;

видзны ва экосистемаяслысь гидрологическӧй режимсӧ;

туявны вӧр-ва комплексъясн ывлавывса процессъяссӧ да видзӧдны экосистемаяслӧн серпас вежсьӧм бӧрся.

3. Заказниклӧн меститчанін да площадь

3.1. Заказник меститчӧ “Кӧрткерӧс” муниципальной районса муниципальной юкӧнлӧн мутасын Одыб сиктсаян 1,5 км асыввывлань, Шойнатыса лесничестволӧн Одыбса участковой лесничестволӧн 42, 43, 58, 59 кварталъяслӧн мудоръясын.

Заказник меститчанінлысь карта-схемасӧ вайӧдӧма тайӧ Положение дорӧ 1 содтӧдын *.

3.2. Заказник мутаслӧн площадьыс лоӧ 990 га.

* Оз йӧзӧдсый.

4. Заказниклӧн мудоръяс

4.1. Заказниклӧн мудорыс мунӧ 58 кварталса 13 выделлӧн рытив-лунвыв помсян 58 кварталса 13 выделлӧн рытиввыв, войвыв да асыввыв мудоръясті, 58 кварталса 19 выделлӧн войвыв да асыввыв мудоръясті, 58 кварталса 25, 15 выделъяслӧн войвыв мудоръясті, 59 кварталса 5, 6 выделъяслӧн войвыв мудоръясті, 42 кварталса 61 выделлӧн рытиввыв да войвыв мудоръясті, 43 кварталса 40, 41 выделъяслӧн войвыв мудоръясті, 43 кварталса 41 выделлӧн асыввыв мудорті, 43 кварталса 41, 40 выделъяслӧн лунвыв мудоръясті, 42 кварталлӧн асыввыв мудорті, 42 кварталса 62 выделлӧн лунвыв мудорті, 59 кварталса 8 выделлӧн асыв-войвыв мудорті, 59 кварталса 10 выделлӧн войвыв да рытиввыв мудоръясті, 59 кварталса 12 выделлӧн рытиввыв да лунвыв мудоръясті, 59 кварталса 11 выделлӧн асыввыв, лунвыв да рытиввыв мудоръясті, 59 кварталса 13, 15, 18 выделъяслӧн лунвыв мудоръясті, 59 кварталса 20 выделлӧн асыввыв мудорті, 59 кварталса 22 выделлӧн асыввыв да лунвыв мудоръясті, 59 кварталса 23 выделлӧн рытиввыв мудорті, 59 кварталса 21, 29 выделъяслӧн лунвыв мудоръясті, 58 кварталлӧн асыввыв мудорті, 58 кварталса 30 выделлӧн лунвыв мудорті, 29 выделлӧн лунвыв да рытиввыв мудоръясті, 58 кварталса 25 выделлӧн лунвыв да рытиввыв мудоръясті петан чутӧдз.

Заказниклөн мутасö сідзжö тырвыйö пырöны Шойнатыса лесничестволөн Одыбса участковой лесничестволөн 58 кварталса 26 выдел да 59 кварталса 16 выдел.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын *.

* Оз йöзöдссы.

5. Заказниклөн мудорьясын меститчысь видзан вөр-ва комплексъяс да налөн компонентъяс

Заказниклөн видзан вөр-ва комплексыс – тайö нюрлөн система, мый артмö öткымын увтасынысь. Сійö озыр ваөн да минеральясөн, тані эм экотопьяслөн уна сикас - высокoeffрофнöйяссиянь мезотрофнöйясöдз. Быдмөгьясыс оз öтмоза быдмыны, найö быдмöны пыр ойдланінгьясын. Налөн унапöлöслуныс артмö уна эдификаторысь да сы вöсна, мый найö вежсьöны экологической условиаяс вежсьöм вöсна. Тшöкыджыкасö öткотырьясыс матынöсь ёрта-ёрт дораныс сикас сертигыс, быдмöны сорөн. Нюрын пырджык быдмö пашкыр кыз (*Betula pubescens*) да обыкновенной пожом (*Pinus sylvestris*), гежöда паныдасылö сибирса коз (*Picea obovata*). Быдлаын быдмöдны бадь кустьяс, тшöкыджыка найö быдмöны торья чукöрьясөн, оз артмöдны öтувья ярус. Турун веркöсыс бура сöвмöма, сійö артмö гигрофильной евтрофной да мезоевтрофной сикасысысь: сближенной эжөр (*Carex appropinquata*), бутылчатой эжөр (*C. Appropinquata*), ва эжөр турун (*C. Aquatilis*), бугуюр эжөр (*C. Paupercula*), шерстистоплодной эжөр (*C. Lasiocarpa*), пиня эжөр (*C. Caespitosa*), кадвуж (*Menyanthes trifoliata*), юсь турун (*Equisetum fluviatile*), стройной гонаюр (*Eriophorum gracile*), уна шепа гонаюр (*E. Polystachion*) да мукöд. Тайö быдмөгьясыс пыр тані быдмöны. Кадысь кадö тайö öткотырьясын паныдасылöны и олиготрофной нурьяслы лöсялысь быдмөгьяс да пуяс: нурвывса шейхцерия (*Scheuchzeria palustris*), зыбуч эжөр (*Carex limosa*), кузьмös корья подбел (*Andromeda polifolia*), гöгрös турипув (*Oxycoccus palustris*) да ляк кыз (*Betula nana*). Му эжöдыс небыд да кизьөр, мый ёнджыкасö артмöдöны оз сфагновой, а турунвиж нитшьяс. Тшöкыда сы вöсна, мый нурса да муйöж ваыс уна, му эжöдыс абу. Ваын быдмöны шөр болля ва турун (*Utricularia intermedia*) да ичöt болля ва турун (*U. Minor*), нитшьясысь - варнсторфия (*Warnstorfia exannulata*) да каллиергон (*Calliergon cordifolium*)

чукорьясöс петкөдлысьяс. Заказниклөн 40 % мутасыс - уна сикас ногөн артмём джуджыдджыкиньяс, көнi эмось ерника-эжора-кадвужа да куста-туруна-нитшка öткотырьяс, найö тэчас да лыд серти уна ногаöсь.

Заказниклөн мудорьясысь аддзёма Траунштейнерлысь мөсняк турун, кодöс пыртёма Коми Республикаса гөрд небөгö (2019) да Россия Федерацияса гөрд небөгö (2008). Куим сикассö – чутось мөсняк турун (*Dactylorhiza maculata*), посни наридз турун (*Platanthera bifolia*) да ичöt болля ва турун (*Utricularia minor*) – пыртёма Звер-пöткалөн лыддьөгö (списокö), кодьяслөн вөр-ваын олём бөрся колö торйөн видзöдны да кодьясöс вöзйёма босьтны биология боксянь дөзьөр улö, мый вынсьөдёма Коми Республикаса вөр-ва озырлун да гөгöртас видзан министерстволөн 2019 во рака тöлысь 27 лунся 498 №-а тшöктөдөн (3 №-а содтöд).

Заказникын видзан нюрын быдмö уна сикас быдмөг. Сикасыяс серти арталёма 80 таксон. Быдмөгьяс лыдын ёнджыкасö паныдасылöны евтрофнöй, гидрофильнöй быдмөгьяс да нюрын быдмысь уна сикас турун.

6. Заказник торйөн ёна видзан режим

6.1. Заказниклөн мутасын оз позь вöчны овмöс нуöдан да мукöд удж, мый вöсна вермас торксыны экосистемалөн дзоньлуныс, сы лыдын:

- 1) капитальнöя стрöитан объектьяс стрöитём;
- 2) линейнöй объектьяс стрöитём, тайö Положениелөн 6.2 пунктын индём случайяс кындзи;
- 3) абу капитальнöй стрöйбаяс да сооружениеяс стрöитём, заказниклысь уджалёмсö мөгмөдём мөгысь стрöитём кындзи;
- 4) пуяс да кустьяс кералём да механическöя жугөдём (виччысьтём да аварийнöй ситуацияяс кындзи);
- 5) абу пуа вөр ресурсьяс, вöрса сёян-юан да бурдөдан быдмөгьяс заптём да чукöртём, индём ресурсьяссö да быдмөгьяссö гражданаөн асланыс мөгьяс вылö заптём да чукöртём кындзи;
- 6) прöмыслövöя кыйсьём;
- 7) муяс бурмөдём;
- 8) химия препаратьяс да мувердас видзём да наөн вöдитчём;
- 9) туйясысь, кутшöмьяс эмось, да торйөн индём местаясысь бокин механизируйтём транспортлөн ветлём да сулалём (заказник видзём серти мероприятиеяс, а сiдзжö заказниклөн мудорьясын меститчысь вөр-ва комплексьяс да налысь компонентьяс видзём да бөр лöсьөдём серти

мероприятияс нуодомкөд йитчөм случайяс кындзи), механической транспорт средствеяс кындзи, кодьяс ветлөдлөны да сулалөны төвнас, кор усьома лым сэк, кор оз лэдзны му эжөд, быдмөгьяс да вөр пуктасьяс жугөдөмсө;

10) туаян (корсьясян, геофизической, геологоразведочной) уджьяс, муывьса механизируйтөм средствеясөн вөдитчөмкөд да му эжөд да быдмөгьяс торкалөмкөд абу йитчөм уджьяс кындзи;

11) мупытшса озырлун, сы лыдын трунда, корсьөм да перйөм;

12) заказниклысь мутас өгөсьтөм да нйитчөдөм, а сідзжө производство да потребление шыбласьяс меститөм (видзөм да гуалөм), ортсө лэдзан ва нуөдөм;

13) геологической, ботанической, зоологической да мукөд коллекция чукөртөм, наука-туялан могьясын найөс чукөртөм кындзи заказникөн веськөдлан органкөд сөгласуйтөмөн;

14) му веркөс да быдмөгьяс торкалөм, вөчны позяна удж сикасьяс збыльмөдан случайяс кындзи;

15) позьяс жугөдөм;

16) аншлагьяс, шлагбаумьяс, стендьяс, мудор петкөдлысь сюрьяс, мукөд юөртан пас да индалысь, экологической ордымьясса да шойччан местаясса оборудование бырөдөм да торкөм, пуяс вылын гижалөм да пасьяс вөчөм.

6.2. Заказниклөн мутасын позьө:

1) нуөдны наука-туялан уджьяс заказникөн веськөдлысь органкөд сөгласуйтөмөн;

2) кыйсьыны любительскөя да спортивнөя оланпастэчасөн урчитөм пөрадокын;

3) котыртны да нуөдны вөр овмөс да нуөдны вөрьясын пөжарысь да санитарной боксянь видзчысьөмсө могмөдөм серти мероприятиеяс вөр йитөдьяс ладмөдан юкөнын оланпастэчасөн урчитөм пөрадокын тайө Положениелөн 6.1 пунктса корөмьяс төд вылө босьтөмөн;

4) стрөитны, выльмөдны, уджөдны линейной объектьяс сэк, кор найөс меститны мөд позянлуныс абу, а сідзжө заказник уджөдөмсө могмөдөм могысь, заказникөн веськөдлан органкөд сөгласуйтөмөн;

5) капитальной дзоньтавны линейной объектьяс заказникөн веськөдлан органкөд сөгласуйтөмөн;

6) овмөс да мукөд удж нуөдан мөд сикасьяс, мыйысь абу өлөдөма вөр-ваөн вөдитчан да гөгөртас видзан юкөнын оланпастэчасөн да тайө Положениеөн, оланпастэчасөн урчитөм пөрадокын.

7. Бӱртас

7.1. Заказниксӧ, сы лыдын сылӧн мутасын меститчысь вӱр-ва комплексъяссӧ да налысь компонентъяссӧ, видзӧны вӱр-ваӧн вӧдитчан да гӧгӱртас видзан юкӧнын оланпастэчас серти.

7.2. Заказниклӧн вӱр-ва комплексъяслы да налӧн компонентъяслы лектор вӧчан грӧз артмӧм дырйи сылӧн мутасын вӧчны позяна удж сикасьяссӧ дзескӧдӧны, недыр кад кежлӧ дугӧдӧны либӧ дугӧдӧны оланпастэчасӧн урчитӧм пӧрадокын.

7.3. Заказниклысь мутассӧ места вылын индӧны ӧлӧдан да юӧртан пасьяс сувтӧдӧмӧн, а сӧдзжӧ торйӧдӧны тематическӧй картография материалъяс вылын.

7.4. Заказниклӧн вӱр-ва комплексъяслы либӧ налӧн компонентъяслы вӧчӧм лекторсӧ колӧ вештыны Россия Федерацияса оланпастэчас серти.

7.5. Йӧзӧс, кодъяс мыжаӧсь заказник торйӧн ӧна видзан урчитӧм режим торкӧмын, кыскӧны кывкутӧмӧ Россия Федерацияса оланпастэчас серти.

7.6. Заказник торйӧн ӧна видзан урчитӧм режимлӧн уджалӧм да сӧйӧс могмӧдӧм серти мероприятиеяс збыльмӧдсьӧны Коми Республикаса республиканскӧй сьӧмкуд сьӧм да оланпастэчасӧн абу ӧлӧдӧм мукӧд ӧшмӧс тшӧт весьтӧ.

Пасйӧд. Меститчанӧнсӧ да мудоръяссӧ опишитӧма Шойнатыса лесничестволӧн 2013 вося вӱр овмӧс котыртан да нуӧдан материалъяс тӧд вылӧ босьтӧмӧн.